



EUROPEAN  
COURT  
OF AUDITORS

CÚIRT INIÚCHÓIRI NA HEORPA

## An Lá Cosanta Sonraí

An 28 Eanáir 1981, ghlac Comhairle na hEorpa [Coinbhinsiún 108](#), a bhí ar an gcéad ionstraim idirnáisiúnta a bhí ina ceangal dlí i réimse na cosanta sonraí riamh. Chun an fhorbairt thábhachtach sin a chomóradh, déanann na ballstáit de Chomhairle na hEorpa, mar aon le hinstitiúidí, gníomhaireachtaí agus comhlachtaí an Aontais Eorpaigh, an Lá Cosanta Sonraí a cheiliúradh an 28 Eanáir. Is é an cuspóir atá leis an lá, ar a dtugtar an Lá Príobháideachais Sonraí ar fud an domhain freisin, feasacht a mhúscailt agus dea-chleachtais phríobháideachais agus chosanta sonraí a chur chun cinn.

In 2018, chomhaontaigh sínitheoirí an Choinbhinsiúin prótacal leasaitheach chun an ionstraim a thabhairt cothrom le dáta. An tráth céanna, d'éirigh [an Rialachán Ginearálta ón Aontas Eorpach maidir le Cosaint Sonraí](#), atá i bhfeidhm ón 25 Bealtaine 2018, ar an aon chreat rialála amháin le haghaidh sonraí pearsanta a láimhseáil ar fud an Limistéir Eorpaigh Eacnamaíoch. Tá forálacha maidir le haistrithe sonraí idirnáisiúnta i [gCoinbhinsiún 108+](#) agus sa Rialachán Ginearálta maidir le Cosaint Sonraí araon.